



Broj: 05-04-20-362-5/23  
Maglaj, 31.03.2023. godine

Na osnovu člana 70. Zakona o javnim nabavkama („Službeni glasnik BiH“, br. 39/14 i 59/22), člana 25. Praviilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-362-4/23 od 29.03.2023. godine, u postupku javne nabavke „Izgradnja primarne servisne saobraćajnice A-B-C u Poslovnoj zoni Liješnica – nastavak izgradnje“, Općinski načelnik donosi

## ODLUKU

o izboru najpovoljnijeg ponuđača

### I

Prihvata se preporuka Komisije za javne nabavke i ugovor za nabavku radova na izgradnji primarne servisne saobraćajnice A-B-C u Poslovnoj zoni Liješnica (nastavak izgradnje) dodjeljuje se ponuđaču „**Komgrad-Ze**“ d.o.o. Zenica, u skladu sa ponudom broj I-364/23 od 20.03.2023. godine, po ukupnoj cijeni od **129.834,00 KM bez PDV-a, odnosno 151.905,78 KM sa PDV-om.**

### II

Ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

### III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

## O b r a z l o ž e n j e

Odlukom o pokretanju postupka, broj 05-04-20-362/23 od 23.02.2023. godine, pokrenut je postupak javne nabavke „Izgradnja primarne servisne saobraćajnice A-B-C u Poslovnoj zoni Liješnica – nastavak izgradnje“, otvoreni postupak. Predmetna javna nabavka objavljena je na portalu javnih nabavki, obavještenje o nabavci broj 1140-1-3-26-3-6/23 od 27.02.2023. godine. Sažetak obavještenja o nabavci objavljen je u „Službenom glasniku BiH“, broj 14/23. Procijenjena vrijednost nabavke je 176.068,38 KM (bez PDV-a). Kriterij za dodjelu ugovora u predmetnom postupku je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom broj 05-45-1-1069/22 od 19.05.2022. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o

čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljeno pet ponuda, prema redoslijedu zaprimanja kako slijedi:

r/b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Geo-put” d.o.o. Maglaj	Poljice bb, Maglaj	20.03.2023. 11,40h	2100
2.	“Dobojputevi” d.d. Doboj Jug	Usorska 130, Matuzići	21.03.2023. 07,48h	2129
3.	“Hajdić” d.o.o. Maglaj	Misurići bb, Maglaj	21.03.2023. 08,29h	2131
4.	“Komgrad-Ze” d.o.o. Zenica	Bistua Nuova do br. 17, Zenica	21.03.2023. 08,31h	2132
5.	“MGV gradnja” d.o.o. Zavidovići	Tvornička bb, Zavidovići	21.03.2023. 08,37h	2133

Neblagovremenih ponuda nije bilo.

Zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom.

Nakon otvaranja ponuda, Komisija je utvrdila da je ponuda grupe ponuđača „MGV gradnja“ d.o.o. Zavidovići neprihvatljiva, u smislu odredbe člana 2. stav (1) tačka 1) Zakona o javnim nabavkama, jer ponuđena cijena prelazi planirana, odnosno osigurana novčana sredstva ugovornog organa. Tumačeći pomenutu odredbu, Agencija za javne nabavke je dana 23.10.2023. godine na portalu javnih nabavki i svojoj zvaničnoj stranici objavila Mišljenje u kojem navodi da se ponuda čija vrijednost prelazi procijenjenu vrijednost nabavke mora odbaciti. Nadalje, u Mišljenju, broj 04-02-1-2506-2/22 od 21.11.2022. godine (dostupno na zvaničnoj internetskoj stranici Agencije), Agencija za javne nabavke daje dodatno tumačenje, navodeći da se prihvatljivost ponude cijeni prije zakazivanja e-aukcije.

Rukovodeći se citiranom zakonskom odredbom, te tumačenjima Agencije za javne nabavke, Komisija je u ovom postupku izvršila ocjenu ponuda prije zakazivanja e-aukcije, te utvrdivši da je ponuda ponuđača „MGV gradnja“ d.o.o. Zavidovići neprihvatljiva zbog visine ponuđene cijene, odbacila je ponudu ovog ponuđača.

Nakon pregleda i ocjene preostalih ponuda, Komisija je utvrdila da sve ispunjavaju zahtjeve u pogledu forme, ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom, zbog čega ih je ocijenila prihvatljivim.

U ponudama ponuđača „Dobojputevi“ d.d. Doboj Jug i „Komgrad-Ze“ d.o.o. Zenica uočene su računске greške, te im je upućen zahtjev za prihvatanje ispravke računске greške, u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15). Oba ponuđača su blagovremeno prihvatila ispravku računске greške, te njihova ponude nisu odbačene, u smislu člana 68. stav (4) tačka g) Zakona o javnim nabavkama.

E-aukcija je zakazana za dan 29.03.2023. godine s početkom u 09,15 sati.

Nakon održane e-aukcije, konačna rang lista u predmetnom postupku javne nabavke je sljedeća:

r/b	Naziv ponuđača	Cijena / KM bez PDV-a	Cijena / KM sa PDV-om
1.	“Komgrad-Ze” d.o.o. Zenica	129.834,00	151.905,78
2.	“Geo-put” d.o.o. Maglaj	129.965,00	152.059,05
3.	“Hajdić” d.o.o. Maglaj	159.805,15	186.972,02
4.	“Dobojputevi” d.d. Doboj Jug	172.881,93	202.271,86

Po završetku e-aukcije, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor u predmetnom postupku dodijeli ponuđaču “Komgrad-Ze” d.o.o. Zenica. Preporuka je, zajedno sa izvještajem o radu Komisije, dostavljena rukovodiocu ugovornog organa 29.03.2023. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



